

կը կարծեմ թէ Rey կարող եղած է ճշդել երկու մանրամասնու-
թիւններ՝ որ վրիպած են իր յաջորդէն. կողակներու գետեղումը
ուղղանկիւն թանձր պատի մը մէջ և եկեղեցիին արևելեան մաս-
սին և արևմտեան ճակատին միջև եղած լայնութեան տարբերու-
թիւնը:

Երկու յատակագիծերէն հետևեալ տեղեկութիւնները կը քա-
ղենք.

Եկեղեցին ունէր 36 մէթր երկայնութիւն, 32 լայնութիւն-
կոնքը 7 մէթր, կողմնաթևերը 5. 20 մէթր:

Երեք կողակները ուղղանկիւն պատերու մէջ գետեղուած են.
Կեդրոնական կողակը դուրս ցցուած է, ինչպէս Թորթոզի եկե-
ղեցիինը, բայց աշտարակ չունի: Կողմնաթևերը, ըստ անզդի-
ական յատակագիծի, գէթ հարաւային կողմը, ունին խիստ տկար
ցցուածքներով որմայեցիք, ինչպէս Պէյրութի եկեղեցիինը: Հիւ-
սիսային կողակին պատուհանը տակաւին կը մնար. մեծ կողակն
ալ ունէր իր աւազանը՝ որ խոռոչ մ'էր կամարակապ՝ կեդրոնա-
կան կցեալի մը հետ: Կողակին հարաւը կը տեսնուէր եպիսկո-
պոսական քարէ աթոռի մը մնացորդը:

Արևմտեան երեսին վրայ կային չորս դօրաւոր որմայեցիք
որ ունէին 15, 25 մէթր բարձրութիւն. լայնութիւնն 1, 83 մէթր,
ցցուածքը գրեթէ 5, 30 մէթր: Կարելի է ենթադրել թէ աղեղները
պրկուած էին այս վիթխարի կամրջակալներու միջև թէ՛ վարի
կողմէն, գաւիթը կազմող լայն կամարի մը տակ, դուռները շըր-
ջանակելու համար, ինչպէս Laonի մայր եկեղեցիինը, թէ՛ վերի
կողմէն, իբր որմածակ, եթէ եկեղեցին իբր ամրութիւն շինուած
է: Իր պատերը ունին 1. 53 մէթր երկայնութիւն. խիստ գեղե-
ցիկ տաշուած քարերով պատերը զարդարուած են գրեթէ 20
սանդիմէթր բարձրութեամբ: Յատակը շինուած է սպիտակ մար-
մարէ սալաշատակով մը:

Պարոն Rey դիտած է որ վերջին որմայեցիքը նուազ լայն են
քան սնարքինը. կ'ենթադրէ թէ վերջին որմայեցիքը ճակատի
անկիւններուն հետ համադիր չեն: Կը կարծեմ թէ այդպիսի ան-
կանոն դիրք մը չի կրնար գոյութիւն ունենալ և թէ ճակատը
իրապէս աւելի նեղ էր քան եկեղեցիին արևելեան մասը. վեր-
ջինս պէտք էր ունենար թև մը, որուն տկար ցցուածքը, միայն
արևմուտքէն յայտնի, ճշգորէն կը համապատասխանէր պատե-